


淮海集

五



淮海後集卷之一目錄 五言古詩

進南郊慶成詩 并表

幽眠

越王

隕星石

山陽阻淺

次韻參寥莘老

送洪景之循州參軍

茶

茶臼

石魚

劉公幹

贈醫者鄒放

贈張潛道

荷花

酬曾逢原參寥上人見寄山陽作

吳興道中

無題二首

喜雨得城字

東城被盜得世字

夢伯收文公

秋夜病起懷端叔作詩寄之

送孫誠之尉北海

抱甕

讀列子

和顯之長老

清夜

南池

和王定國

題五柳亭

秋興擬韓退之

擬孟郊

擬韋應物

後集卷之一目錄終

淮海後集卷之二目錄

七言古詩

宿金山

別賈耘老

李端叔見寄次韻

陳令舉妙奴詩

自警

陪李公擇觀金地佛牙

雪浪石

和蔡天啓贈文潛之什

秋興擬李白

秋興擬玉川子

擬李賀

後集卷之二目錄終

淮海後集卷之二目錄

五言律詩排律附

次韻孔彥常舍人曝書

悼王子開五首

次韻安州晚行寄傅師

五言排律

次韻莘老

送陳太初道錄

贈蘇子瞻

觀寶林塔張燈次胡瑗韻

還自湯泉十四韻

韻

韻

韻

正言

大韻

韻

後集卷之三目錄終

淮海後集卷之四目錄

七言律詩絕句附

送佛印

次韻公闢會流觴亭

次韻公闢會蓬萊閣

送羅正之兩浙提刑

辨才法師嘗以詩見寄繼聞示寂追次其韻

次韻公闢州宅月夜偶成二首

次韻公闢卽席見寄

次韻公闢將受代書蓬萊閣

次韻公闢聞角有感

寄公闢

呈公闢

奉和莘老

秋興擬杜子美

秋興擬杜牧之

秋興擬白樂天

中秋口號

并引一云雲山閣白語

致政通議口號

并引一作秋燕口號

七言絕句

口號

并引

早春

赴杭倅至汴上作

無題

蘇子瞻記江南所題詩本不全余嘗見之記其五

絕今以補子瞻之遺

東坡跋併三絕見正集第十卷擬織錦詩注下

金山晚眺

病中

聞鴈懷邵仲恭

冬蚊

白馬寺晚泊

雪上感懷

和程給事贈虞道判六首

處州閑題

春詞絕句五首

秋詞二首

齊逸亭

春日

雪中寄丹元子

宿乾明寺方丈

新開湖送孫誠之有龍見于東北因成絕句

呈李公擇

落日馬上

次韻參寥二首

和書天慶觀秘監堂二首

和書觀妙庵

早春題寺舍

盆池釣翁

賞醪醪有感

目錄終

淮海後集卷之一

宋高郵秦觀少游撰

明仁和李之藻振之校

五言古詩

進南郊慶成詩

并表

右臣伏覩皇帝陛下肇修典禮冬日之至親有事於南郊仍復祖宗故事以皇天地祇合祭前期之日陰雲蔽空將祀之夕月纏畢宿詩云月離于畢俾滂沱矣於法當雨而是夜開霽特甚晏溫星月昭明禮畢之明日雨

雪乃作朝市郊野相告欣然頌嘆之聲形于中外非二
聖有作上當天心神祇顧享何以逮此臣雖疎賤通籍
秘省預見熙事不勝犬馬區區之情輒將輿人之頌撰
成郊禮慶成五言二十韻詩一首隨狀上進干冒宸嚴
臣無任瞻天望聖激切屏營之至

於赫龍飛後中區八月秋合嚴天地祀遠繼祖宗休熙
事將興舉彝章預講諏紛然曲臺議斷自太妊謀宗伯
方承命元龜遂告猷三錢封內帑五瑞輯諸侯路寢前
齋玉清宮復射牛長迎南至日圓卽自然丘扈蹕三千

劔干霄十二樓鈎陳嚴御座太一奉宸遊好雨虛聞畢
生陽不待鄒浮雲依斗散華月亘天流宵被黃裯却霜
空曲蓋收堪輿同顧饗河嶽盡懷柔麾日初鳴仗旂風
不滿旒回鑿龍入馭傳詔鶴爲郵崇慶天難老萃胥聖
不憂衣冠千玉簡宇宙一金甌可但豐年屢當知世德
求慙無班馬手作頌配商周

幽眠

飛鷺亦余

一費

長世

如

幽眠起常晚冬晷復不長中間數十刻倏如驚燕翔晨
食粗云畢申鼓鳴相望忽忽竟何就念之動中腸天地

一逆旅死生猶轉商暫來旋云去遲速乃所常較計亦何補徒然非慨慷不如聽兩行一槩付酒觴北風吹老槐白日轉紙窗布衾一覺睡身世成渺茫宿莽冬不衰蘭茝幽更芳無庸傷局促速此鬢髮霜

越王

越王念吳役寢興常不安有臣曰種蠡實與同難艱終酬會稽耻列國不敢干智者見未兆愚夫暗前觀范公拂衣去扁舟五湖間清輝照四海秋月耿雲端種也竟不悟處之若無難屬鏤一朝至身與名俱殘兔走獵狗

悲鳥盡良弓閑自古身不退多爲世所歎

隕星石

蕭然古丘上有石傳隕星胡爲霄漢間墜地成此精雖有堅白姿塊然誰汝靈犬眠牛礪角終日蒙羶腥疇昔同列者到今司賞刑森然事芒角次第羅空青俛仰一氣中萬化無常經安知風雲會不復歸青冥

山陽阻淺

一日行一尺十日行一丈豈不歎淹留所幸無波浪悲風動深夜原野眇森爽青天行蟾蜍枯水轉颺颺此時

蓬茅下去心劇於癢棄置勿復論通塞如反掌

次韻參寥莘老

迅風薄高林萬象號虎豹紛披枳與棘爾復鼓狂鬧我
垣旣已頽我棟又以撓豈無一木枝橫力難與較黎明
忽自罷晴日射魚罩死水失狂瀾衰木回故貌勞生真
夢事往趨如睡覺炊黍焚黃鶉吾其理歸棹

送洪景之循州參軍

寒梅不自重輒花桃李先矯枉有佳菊最後衆芳妍各
因一時美難以相唾憐物理固若是士林亦宜然夫子

南國俊聲猷推妙年數奇晚方偶參軍古龍川龍川雖
云遠風物號清鮮羅浮不相下頡頏巉荒天雲鬢二三
子聊足奉周旋行矣試老拳歸歟遠翔騫

茶

茶實嘉木英其香乃天育芳不愧杜蘅清堪拚椒菊上
客集堂葵圓月探奩盃玉鼎注漫流金碾響丈竹侵尋
發美鬯猗猗生乳粟經時不銷歇衣袂帶紛郁幸蒙巾
笥藏苦厭龍蘭續願君斥異類使我全芬馥

茶曰

幽人耽茗飲剝木事擣撞巧制合曰形雅音侔柷控虛
室困亭午松然明鼎窻呼奴碎圓月搔首聞錚鏦茶仙
賴君得睡魔資尔降所宜玉兔擣不必力士扛願借黃
金碾自比白玉缸彼美制作妙俗物難與雙
茶寶石魚英其香比天育其不竭比蓬萊其味甘比土
佛宮琢琳瑯懸魚警羣聰緩扣集方袍急拊趨百工雖
無筍虞器自協徵與宮犁然當人心邈有炎氏風山泉
自疏數珮玉相玲瓏朝昏間鍾鼓清響傳無窮惟有寶
陀山於音獲圓通一聞如得解石鞏亦投弓

劉公幹

鄴中多賢豪公幹氣飄逸弱歲頗徊徨飄零低金室君
王事邀宴下馬列琴瑟豪吹挾哀彈娛歡非一日當年
侍賡酬珠玉在揮筆五字一何工妙絕冠儔匹所得雖
經寄未得偏人失

贈醫者鄒放

百工皆聖作惟醫有書傳緒餘起人死妙處實通天鄒
子本淮海弱齡加討研岐扁逢卷中遂知百病先往歲
遊京室公侯紛薦延國工不敢妬遣兒求執鞭晚棄本

州後青衫鬢蕭然臨衢開大肆旁午送金錢嗣子頗不
凡文場早周旋行期拾青紫善積神所憐

贈張潛道

張生何爲者落魄不自拘獨攜三尺琴笑別妻與孥一
來泊吾里忽已月再虛朝遊故人館暮止佛子廬雖無
食羹餘所樂常晏如我欲有所進生聞勿煩紆君子閑
有道不專塊然居無道祗深適鳴戲亦已愚願生脫塵
鞅從我滄海隅

荷花

方塘收雨脚落日半遙岑芙蓉淨娟娟麗服撫翠衾無
言意自遠欲渡秋水深緬懷平生人對此詎可尋弄芳
惜晼晚酒至誰與斟天涯有歸雲聊寄相思心心開獲
清賞芙蓉一何綺美人艷新粧歛袂照秋水端如蕩子
妻顧自良家子黃金選燕趙搖落對江沚薄暮風雨來
獨立淚如洗望君君詎知傾宮定誰似

酬曾逢原參寥上人見寄山陽作

倦客當老秋忽忽少佳意孰云塵滓地劉阮肯俱至一
披清骨毛再見失身世有如執盛熱僚月濯涼吹又如

觀巨梓却覘蕭葦細十辰同遨遊不覺日車逝嗟予逃
空虛終日面林翳聞人足音喜况乃道所契方念衣袖
分明月忽我昇眷言何以酬白髮同所詣

吳興道中

黽勉華門下十年守一方胡爲御舟者挽我置此傍青
山不肯盡流水故意長雖云道理遠凡樽有酒漿

無題二首

君子有常度所遭能自如不與死生變豈爲憂患渝西
伯囚演易馬遷罪成書性剛趣和樂淺淺非丈夫

世事如浮雲飄忽不相待歛然化蒼狗俄頃成車蓋達
觀聽兩行味者乃多態舍旃勿重陳百年等銷壞

喜雨得城字

陰陽有常職代卸不可并一氣或錯繆愆伏相寇兵惟
時四月交南國厭久晴風師挾帝令呼號肆徂征雲師
畏推逐蓄意不敢爭雨師曠厥官所苟朝夕生黃塵暗
如霧掩彼日月明帝眷一夕回旱議沮莫行番然需膏
澤夜半來雨聲黎明縱遐眺溝澮各已盈青秧散廣畝
白水涵孤城耕夫欣有託水鳥飛且鳴乃知化工妙悠

然信難名行矣耘我穡歲終峙坻京

東城被盜得世字

野人無機心觸事少防衛所至輒酣寢屢墮穿窬計孤
亭夜深墨風死雨初霽有盜穴壁來攘取逮衾袂微思
不敵怒弱力鼓虛銳起搏且復呼可否難量勢誰云同
室鬪函丈莫相繼兩奴眠牖旁矯首但睥睨棄之倚柱
休盜亦從此逝慚無牛缺賢幸脫燕人斃亡弓豈須求
失馬不必涕黎明成感歎事往若異世良賈號深藏無
閔稱善閉君子勿我誇得喪求無際

夢伯收文公

昨夜夢故人心顏少歡趣自嗟棄有司却言歸山路君
王下明詔羣英翕爭赴焦鵬共揮翮跛鼈亦騁步擾擾
天地間飛鳥不知數何意獨蕭條命與時相忤空復蔽
馬牛不爲匠人顧昔爲土中花行待東風煦今爲簷下
草遠矣霑秋露老母鬢成絲寒妻被無絮歲莫多嚴風
絺綌將焉度覺來不復見撫枕淚如注安得萬頃陂活
此舟中鮒

秋夜病起懷端叔作詩寄之

寢瘵當老秋入夜庭軒空天光脆如洗月色清無縫風
颺戾戾輕露氣霏霏重簷花伴徐步籠燭窺孤諷緬惟
情所親佳辰誰與共夫子淮海英材大難爲用秉心旣
絕俗發語自驚衆塵尾扣球琳筆端攢蟠螭雄深迫楊
馬妙麗該沈宋浮沈任朝野魚鳥狎鯤鳳與時真楚越
於我實伯仲爾來居邑鄰頗便書札貢上憑鴻鴈傳下
託鯉魚送二物或愆時已辱移文訟人生無根柢泛若
凌波葑昧者復汲汲晨暝趨一闕陰持含沙毒射影期
必中自匿媼母容對客施錦幪溘然一朝逝萬事俱成

夢形骸猶汝辭利勢猶君動思之可太息傷之爲長慟
所以古達人脫身事高縱我生尤不敏曾腹常空洞彊
顏入規模垂耳受羈鞅行謀買竿棧名理就折衷但恐
狂接輿煩君更嘲弄

送孫誠之尉北海

吾鄉如覆盂地據揚楚脊環以萬頃湖蒔天四無壁蜿
蜒戲神珠正晝飛霹靂草木無異姿靈氣殊鬱積所以
生羣材各抱荆山璧小爲百夫防大爲萬人敵夫子少
邁倫喑鳴阻金石奏賦明光宮玉座瞻咫尺翻身墮雲

霄十載迨窮厄焚舟更一戰得尉滄海北五月乘畫船
簫鼓事遠適天橫齊山青雨帶楚水黑勿云晚方仕四
十乃古昔勿云名位卑九萬自此擊幽求尉朝邑鬢髮
森已白元振尉通泉律令非所卽一朝會風雲闕文

抱甕

捐捐抱甕人汙呼治其內仲尼爲所輕子貢無以對捨
器欲還樸爲量固已隘苟得渾沌真寧羞事機械

讀列子

咄咄兩小兒多言空爾爲後之日無定不覺心有期尺

捶探蒼溟但令傍者嗤誰謂不能決孔丘乃真知

和顯之長老

禪子觀因緣寸晷無復餘講人治經綸艾夜猶未除冷
風奏哀松寒月挂碧虛此意了不論悲哉同翳如

清夜

子夜天無雲稀星耿頑碧茫茫行役者對此焉不息胡
爲蝸角端相與競尋尺勸君歸去來飛空鳥無跡

南池

汎汎池中鳧上下與水俱不與水爭力所以全其軀遇

物貴含垢修身戒明污胡能若雲月浪自驚羣愚
和王定國

崢嶸歲月徂物色萃於邑歡言公子至坐失百憂集宵
箔蕙煙橫寒炮玉脂泣勉旃決南圖荷華行滿隰

題五柳亭

結構依流水新題五柳亭登臨有遺味攀折不勝情隔
岸閭閻鼓遶軒舟舫橫

秋興擬韓退之

逍遙北窓下百事遠客慮無端葉間蟬催促時節去愁

起如亂絲縈纏不知緒日月豈得已還復役朝暮人生
均有得悲歎我不悟春秋自天時感憤亦真趣

擬孟郊

曉風有暴信暮蟬無好聲曉風與暮蟬自與時節爭獨
客辭故鄉推車謁梁城梁城道迢遞區區役吾生不如
歸舊山藜藿安性情

擬韋應物

坐投林下石秋聲出疎林林間鳥驚棲豈獨傷客心物
亦有代謝此理共古今鄰父縮新醅林下邀同斟癡兒

踏吳歌姪姹足訛音日落相攜手涼風快虛襟

坐林林下不林林出林林間長驚對豈斷對客心

琳瑯飄渺

韻詩山紫雲走掛卦

客輟姑凝琳車滿樂姓樂姓登戲國國外吾土不吹

爽風木暴清蒸輒無秋秋風與暮輒自與初清平

琳瑯飄渺

山南山北江水流半空金碧隨雲浮我來仍值風日好

淮海後集卷之一終

淮海後集卷之二

七言古詩

宿金山

山南山北江水流半空金碧隨雲浮我來仍值風日好

十月未寒如晚秋山僧引客尋蒼翠歷卷參差到平地

萬里風來拂骨清却憶人間如夢寐夜深無風月入扉

相對老人如槁枝流水與天爭入海共笑此心誰得知

下山却向中泠望番憶當時在屏障老母思兒且欲歸

回首雲峰已天上

別賈耘老

若有人兮雪之濱服火齊兮冠切雲有才不爲世所掄
盡入詩句爲奇新忘歸繁弱不浪陳發必中的疑有神
目關飛鳥緡蒼鱗俛仰自娛忘賤貧繫我與君素參辰
孰爲一見同天倫共指飛光易沉淪莫若痛飲還我真
况有內子賢文君終日叫呼不怒嗔酒酣往往出前珍
瓦甌竹筯羞青芹左列文史右紅裙樽前不覺徂清晨
念我行當西道秦拏舟來別非所欣欲託毫素通殷勤
郢匠旁矚難揮斤人生百齡同臂伸斷梗流萍暫相親

行行飲酒且勿云丈夫萬里猶比鄰

李端叔見寄次韻

君文豪膽無與儔使我吟諷忘離憂浩如沅湘起陽侯
翻星轉日吞數州華章藻句饒風力頃刻朱紅迷畛域
一班縱復爲管窺萬派終難以蠡測區區文墨倦高情
解鞅還游恍惚庭半槽新水六尺簟臥視雲物行空青
伊我籃輿抵京縣溽暑黃埃負初願君家只在御城東
彌月不能三兩見求仙未若醉中真蟻鬪蛾飛愁殺人
清都夢斷理歸棹回首一樹瓊枝新歸來草木春風換

世事蝟毛那可筭幸謝故人頻寄書莫笑元郎自呼漫
陳令舉妙奴詩

西湖水滑多嬌嬈妙奴十二正芬芳肌膚皙白髮腳長
含語未發先有香溪上夜燕侍簪裳皎如華月墮滄浪
音聲入雲能斷腸不許北客辭酒漿主人藹藹邦之良
少年射策謁未央俊詞偉氣森開張玉杓貫斗生怒芒
天欲文采老更昌故使歛翮窺羣翔五十僅補尚書郎
浩歌騎牛倚徜徉東風戲雨花草狂二溪泱泱青黛光
妙奴勿倦侑羽觴主人正欲游醉鄉

自警

古人去後音容寂何處茫茫尋舊迹君看草遍北邙山
骼髑猶來丘壟積那堪此地日黃昏長途萬里傷行客
只知恩愛動傷情豈悟區區頭已白莫嫌天地少含弘
自是人心多褊窄爭名競利走如狂復被利名生怨隙
貪聲戀色鎮如癡終被聲色迷阡陌休言七十古稀有
最苦如今難半百聞道蓬宮仙子閑紅塵不染無瑕謫
日月遲遲異短明三峯秀麗皆仙格女蘿覆石蔓黃花
芝草琅玕知幾尺桃源長占四時春漾漾華池真水碧

乘槎擬欲扣金扃巨浪洪波依舊隔歸來芳舍與誰儔
老鶴松間三四隻唳天聲動彩雲飛對我時時振長翮
驂鸞未遇且悠悠盡日琴書還自適紛華任使投吾前
爭奈此心終匪石拜命懷金誰謂榮低頭未免拾言責
從茲俗態兩相忘笑指青山歸路僻同人有志覓長生
運氣休糧徒有益須知下手向無爲莫學迷徒賴針灸
陪李公擇觀金地佛牙

薄伽梵相含空虛化人分段同璠璣爾來示滅二千歲
真骨萬里傳中區錢塘有尼號法照得自禁掖藏金鋪

欲因此勝高構閣假設象似開羣愚偶從好事至雲上
持出瞻玩相歡娛靈牙寶色玉不如有無數光明珠
莊嚴一一出御帑蜿蜒繡袋榮碑礫是時賓客盡上士
回向已登十地初殷勤稱讚出軟語坐人顧眄驚俗汚
因悲人生信如夢浪逐聲勢霜鬢鬚一源清淨誰復無
枉入諸趣更崎嶇願因今日詣真際古松白日常蕭疎
乃知金仙妙難測餘潤普及霑凡枯况復老尼亦才辯
朱甍碧瓦非難圖行看崒嶢倚青嶂翁媪頌說傾三吳

雪浪石

漢庭卿士如雲屯結綬彈冠朝至尊登高履危足在外
神色不變惟伯昏金華掉頭不肯住乞身欲老江南村
天恩許兼兩學士將兵百萬守北門居士彊名曰天元
寤寐山水勞心魂高齋引泉注奇石迅若飛浪來雲根
朔南修好八十載兵法雖妙何足論夜闌番漢人馬靜
想見雉堞低金盆報罷五更人吏散坐調一氣白元存

和蔡天啓贈文潛之什

蔡侯飽學困于釜濯足清江起南土劇談頗似燕客豪
快奪范睢如墜雨東城橋梓未足論栢直何爲口方乳

蔣侯山中伴香火三年不厭長蔬苦平生瑰瑋有誰同
要得張侯三曰語晝閑那自運甓忙時清不用聞鷄舞
桓榮歡喜見車馬書冊辛勤立門戶要當食肉似班超
猛虎何嘗窺案俎

秋興擬李白

芙蓉露濃紅壓枝幽禽感秋花畔啼玉人一去未回馬
梁邊燕子三見歸江頭白蘋老波底尺書不來空相望
斜吹疎雨濕秋江霜風暗引芙蓉香石上菖蒲三尺長
綠頭鴨兒棲萍草採蓮女郎笑花老木蘭船上動江水

不覺鴛鴦帶波起

秋興擬玉川子

南州有病客起臥北窓下玉兔啣花照清夜故人別我
京洛遊不寄一行三改秋秋色變冷客裘薄漸覺衣袂
寒颼颼作詩欲寄君未語先有愁不如呼童起危坐北
窓下一杯寬我千日憂眼前俗事何擾擾此夕盡向杯
中休何必懷黃金印兮爵通侯

擬李賀

魚鱗甃空排嫩碧露桂梢寒桂團壁白蘋風起吹北窓

尺鯉沉沒斷消息燕子將鷓欲歸去沈郎病骨驚遲暮
濃愁茫茫寄何處萬里江南芳草路

淮海後集卷之二終

淮海後集卷之三

宋高郵秦觀少游撰

明海鹽王廷俊君英校

五言律詩

排律附

次韻孔彥常舍人曝書

上帝圖書府傳觀詔特容嘉賓蒼佩玉盛饌紫駝峯散
帙牙籤亂開函錦襲重君羨如可請願備北堂供

悼王子開五首

我昔官房子長懷忠穆賢里無行馬第山有臥牛阡當

代三公後惟君五福全桐棺遠歸祔追舊幾潛然
早爾金閨彥頎然玉筍班周旋三友益零落十年間
轆靈輻動悠揚素旄還暮年還抱愛應復辨追攀
蕭散竹林風平生約畧同官班嵇叔夜年輩晉安豐
民詠濡須政朝推胸臆功九原無復作埋玉恨何窮
南浦維舟訪東堂抵榻眠後期猶指日輕別遂終天
墨妙今初貴詩名久已傳清風如未墜諸子更翩翩
已矣知無憾賢愚共此途白駒馳白日黃髮掩黃壙
和氏終歸趙干將不葬吳挈痾如可彊猶擬奠生芻

次韻安州晚行寄傅師

投暮安州北蒼煙亂眼昏茅茨人外路砧杵月邊村
野水飛雲薄空林噪雀繁幾人堪此樂逢客莫輕論

五言排律

次韻莘老

妙齡隨計日紺髮度關年較藝先豪俊飛聲動眇綿
祕書窺甲乙密室詣溫宣已叶半千運仍親尺五天
御香春晚炷宮蠟夜深燃漢殿螭頭筆岐藩幕下蓮
孔鸞人共貴蘭蕙世皆憐附尾方瞳若提刀獨砉然
皂囊封細

札青簡續遺編壁府深難造龍謀雋莫先大農參奏計
宗伯與興賢玉鉉行真卽金甌忽浪傳兩輪茗上駕百
丈剡中牽荏苒馮唐老淹回賈傳還星霜俄九換金竹
遽三遷鼓吹吳雲外旌旛楚水壩經綸殊未倦憂患復
相連惡草空搖毒羣蝸謾污涎松筠終不易雨露竟無
偏憔悴千株橘荒涼二頃田幾書借船帖屢廣絕交篇
禪譽推龐蘊親評主閔騫懶因閑處極樂向靜中全歲
月黃塵裏鶯花白髮前水臺清照底玉海湛無邊身世
尤飛隼功名眇蛻蟬蕉心難固待楮葉謾勞鐫佇續清
都夢還隨濁世緣泉虬淹已久風翮去應便預想朝元
處簪裾立萬仙

送陳太初道錄

先生簪紱後世系本綿瓜駐馬生枯骨回車濟病蛇帶
雲眠酒市和月醉漁家落日千山路西風一枕霞幾年
流俗笑一旦五侯誇碁惜春深日琴憎雨後蛙背因書
字曲髮爲註經華地轉東淮水天回北斗車新宮黃道
近舊隱白雲遐顧我身多累逢君意謾誇空提方士劍
未上客星槎何日同歸去重飛九轉砂

贈蘇子瞻

嘆息蘇子瞻聲名絕後先衣冠傳盛事兄弟固多賢感
慨詩三百流離路八千直心羞媚寵忠力欲回天縲紲
終非罪江湖祇自憐饑寒常併日疾病更連年明主無
終棄西州稍內遷奏言深意苦感涕內人傳前席須宣
室非熊起渭川君臣悅相遇願上角招篇

觀寶林塔張燈次胡瑗韻

飛來峯上塔然密奉慈觀互照三山冢分輝七寶欄勢
擎金界迥影蘸玉奩寒次第邊烽舉高低祭燭攢虹旌

排陣堞火傘御靈官魏乘珠千顆隋帆錦萬端華敷連
藏海光集匝宮壇罔罔連青昊熒熒逼翠巒月卿秋杼
思星將夜濡翰繼聽鈞天奏尤知屬和難

還自湯泉十四韻

歲晚倦城郭聯驂度業峩天黃雲脚亂村黑鳥翎訛潦
水侵生路晴天落漫坡澄江練不卷溫井鑑新磨漁火
分星遠沙鷗散點多霸祠題玉筋龍窟受金波琬琰存
吳事兒童記楚歌孤龕瘦居士雙塔老頭陀飛鼠鳴深
穴胡蜂結巧窠晚參圓白足昏梵禮青螺雲馭沉荒甃

淮海後集 卷之三
仙春沒淺莎杖藜從莫逆談笑入無何
滲澹日連霧蕭騷風轉阿華清俄夢斷回首失煙蘿

淮海後集卷之三終

淮海後集卷之四

七言律詩 絕句附

送佛印

抱包初捨蔚頭藍江月松風處處參
他日惠林爲上首幾年彌勒作同龕
真珠撒帳開新座飛鳥啣花繞舊庵
雲散虎溪蓮社友獨依香火思何堪

次韻公闢會流觴亭

偷引湖光一派飛詠觴還却似當時
吳歌送酒隨流急越艷浮花轉曲遲
山廟早因前守徹冰盤元是故工遺

年年楔飲今非昔不到蘭亭到北池

次韻公闢會蓬萊閣

林聲撼撼動秋風共躡丹梯上臥龍路隔西林三兩水
門臨南鎮一千峯湖吞碧落詩爭發塔湧青冥畫幾重
非是登高能賦客可憐猿鶴自相容

送羅正之兩浙提刑

豈爲鱸魚憶故丘東南昏墊賴良謀一封暮別雲間閣
三組秋歸海上州子政暫爲都水使千秋終作富民侯
贈君一語君應笑競注江河本不流

辨才法師嘗以詩見寄繼聞示寂追次其韻

遙聞隻履去翛然詩翰纔收數月前江海盡頭人滅度
亂山深處塔孤圓憶登夜閣天連鴈同看秋崖月破煙
尚有衆生未成佛肯超欲界入諸禪

次韻公闢州宅月夜偶成二首

新秋過雨月如霜緩足蓬萊徹上方翠木玲瓏藏寶界
白煙濃淡鎖華堂書名越艷誰興發角動單于自感傷
山似臥龍天似水却疑身在海中央

繚繞千重雨後涼月含秋色上東方風催絡緯歸金井

月轉檀欒蔭盡堂游目騁懷佳興發感時撫事壯心傷
歸來枕簟清無夢臥看明星到未央

次韻公闢卽席見寄

與君鄰並共烟霞乘興時時過我家更漏一新聞曉角
門闌數級看秋花湖山對值全如買風月相期不用賒
賴有醉毫吟更苦他年分作句圖誇

次韻公闢將受代書蓬萊閣

城連湖岸水爲關旦暮漁樵自往還龜負寶林新佛地
龍蟠使宅老仙山平生仕宦今何得終日登臨獨未閑

歲滿徘徊難遽別就中瀟洒異人間

次韻公闢聞角有感

一聽胡笳動越吟聲潛地底氣逾深千宮月色單于曲
萬里天光魏闕心秉燭何人猶把盞挑燈有女正穿針
早寒時節黃昏後更逐西風應遠砧

寄公闢

憶昔都門手一攜春禽初向苧蘿啼夢回金殿風光別
吟到銀河月影低舞急錦腰迎十八酒醒玉盞照東西
何時得遂扁舟去邂逅從君訪剡溪

呈公闕

東歸行路歎賢哉碧落新除寵上才
白傅林塘隨畫去吳山花鳥入詩來
唱酬自有微之在談笑應容逸少陪
除此兩翁相見外不知三徑爲誰開

奉和莘老

童子何知幸最深久班籍湜奉登臨
挾經屢造芝蘭室揮塵常聆金玉音
黃卷香焚春晚晚絳紗人散夜蕭森
明朝只恐絲綸下回首青雲萬里心

秋興擬杜子美

紫領寬袍漉酒巾江頭蕭散作閑人
悲風有意催林葉落日無情下水濱
車馬憧憧諸道路市朝衮衮共埃塵
覓錢稚子啼紅頰不信山翁篋笥貧

秋興擬杜牧之

鼓鼙夜戰北窓風霜葉鋪堦疊亂紅
一段新愁驚枕上幾聲悲鴈落雲中
眼前時節看馳馬目下生涯寄斷蓬
弟妹別來勞夢寐杳無消息過江東

秋興擬白樂天

不因霜葉辭林去的當山翁未覺秋
北里酒錢煩屢索

南州詩債懶頻酬欲歌金縷羞紅粉擬插黃花避白頭
底事登臨好時節等閑收拾許多愁

中秋口號

并引一云雲山閣白語

伏以四難并得既爲樽俎之佳期五福具膺實號縉紳
之盛事矧中秋之屆候宜公燕之交歡恭惟判府大資
身遇聖神家傳將相時應半千之運論歸尺五之天姓
名久在於金甌方面暫分於玉節浮堦飛閣引南國之
佳人豪竹哀絲奏西園之清夜

雲山簷楯接低空公宴初開氣鬱葱照海旌旛秋色裏

激天鼓吹月明中香槽旋滴珠千顆歌扇驚圍玉一叢
二十四橋人望處台星正在廣寒宮

致政通議口號

并引一作秋燕口號

竊以五福具膺實縉紳之盛事四難并得亦樽俎之佳
期恭惟致政通議馬鶴英姿鼎槐萃胄身見六朝之盛
位登兩省之崇北陌東阡時命青牛之駕左圖右史日
從赤松之遊判府左丞神嶽殊鍾星躔異稟方面雖分
於玉節姓名已覆於金甌舉白飛觴極水陸四方之饌
彈絲擊石盡賓主一時之歡

秋空畫隼照新晴符隱庵前小隊停玉竿金醪通繾綣
鳳笙龍管入青冥靚粧醜酒花侵席寶獸呀香霧滿庭
太史應占豫州分上台星近老人星

七言絕句

口號

美酒忘憂之物流光過隙之駒不稱人心十事常居八
九得開口笑一月亦無二三莫思身外無窮且賭尊前
見在功名富貴何異楚人之弓城郭人民問取遼東之
鶴付與香鈿畫鼓盡歡美景良辰欲奏長謠聊陳短韻

平原居士今無影鸚鵡空洲誰舉杯猶有漁陽搗糲鼓
爲君醉後作輕雷

早春

黃金蕪蕪滿垂楊尚有春寒到畫堂酒力漸銷歌扇怯
入簾飛雪帶梅香

赴杭倅至汴上作

俯仰觚稜十載間扁舟江海得身閑平生孤負僧牀睡
准擬如今處處還

無題

掃地燒香閉閣眠
簟紋如水帳如煙
客來夢覺知何處
掛起西窓浪接天

蘇子瞻記江南所題詩本不全余嘗見之記其五

絕今以補子瞻之遺

東坡跋并三絕見正集第十卷疑織錦詩注下

紅窓小泣低聲怨
永夕春風斗帳空
酒落花飛絮亂
曉鶯啼破夢恁恁

晞草露如郎倖薄
亂花飛似妾情多
歸鴻見處彈珠淚
語燕聞時斂翠蛾

琴絃斷續愁兼恨
嶺水分流西復東
深院小扉紅日落

繡牕閑倚更誰同

參橫霽色天沉水
身宿寒枝竹瑣煙
衾惹舊香清夜半

淚凝殘燭畫堂前

寒信霜風柿葉黃
冷燈殘月照空牀
看君記憶傳文錦
字字愁縈惹斷腸

金山晚眺

西津江口月初弦
水氣昏昏上接天
清渚白沙茫不辨
只應燈火是漁船

病中

疎簾薄幔對青燈鸚鵡喧喧自轉更風雨渺漫人臥病
地爐湯鼎更悲鳴

聞鴈懷邵仲恭

楚澤吳天去未遲煩君且傍蒜山飛白袍居士如相問
爲說緇塵欲滿衣

冬蚊

蚤蠆蜂虫罪一倫未如蚊子重堪嗔萬枝黃落風如射
猶自傳呼欲噬人

白馬寺晚泊

濛濛晚雨暗回塘遠樹依微不辨行人物漸稀疎磬斷
綠蒲叢底宿鴛鴦

雪上感懷

七年三過白蘋洲長與諸豪載酒游舊事欲尋無處問
雨荷風蓼不勝秋

和程給事贈虞道判六首

刀圭雲母具晨餐門對三層步斗壇夜考鶴經分七九
曉占歲氣辨齡丹
火棗交梨近可食不須地肺及天壇龜藏坎海毛皆綠

鳳宿离宮色自丹

紫府沉沉掩夜關竹陰清掃月中壇歲星偷得桃枝碧

董奉栽成杏子丹

囊中玉色已經食醉拂絲桐坐杏壇應笑倦游塵滓客

鬢毛蕭瑟事鈿丹

漢武遊心縹緲間文成五利盡登壇何如曲屈韓夫子

不美神君白玉丹

使君本住道家山時訪元都太古壇陰惠已能追許令

治功不獨過韋丹

處州閑題

清酒一杯甜似蜜美人雙鬢黑如鴉莫誇春色欺秋色

未信桃花勝菊花

春詞絕句五首

蒲萄裊暖蕙薰微紅日窺軒睡覺時人倦披衣雙燕出

青絲高罥木蘭枝

弱雲亭午弄春嬌高柳無風妥翠條懶讀夜書搔短髮

隔垣時聽賣錫簫

都城春富百花披長憶人歸駐馬時淺色御黃應好在

爲誰還發去年枝

風驅白雨洗園林
蔽地飛花一寸深
狂紫浪紅俱已矣

老春雖在亦何心

顛毛漸脫風情少
匣劍空存俠氣銷
人遠地偏無酒肉
春深花鳥謾相撩

秋詞二首

雲惹低空不更飛
班班紅葉欲辭枝
秋光未老仍微暖
恰似梅花結子時

無數青莎繞玉階
夕陽紅淺過墻來
西風莫道無情思

未放芙蓉取次開

齊逸亭

燄發郎君更不歸
故亭蕭瑟異當時
玉笙金管渾如夢
只有梅花三四枝

春日

殘臘渺茫雲外日
新春彷彿夢中來
雪霜便覺都無力
只見桃花次第開

雪中寄丹元子

陰風一夜攪青冥
風定紛紛雪片零
想見玉清真境上

白虛光裏誦黃庭

宿乾明方丈

漫天白雪無端現佛室夜艾鳥更啼相逢解頤足自慰
勿語俗子念心攜

新開湖送孫誠之有龍見于東北因成絕句

狂客走影暗悠悠菡萏替吹風五月秋黃綬不爲無氣槩
蒼龍隨尾送行舟

呈李公擇

青箋擘處銀鈎斷紅袂分時玉筍懸雲脚漸收風色緊

半規斜日射歸船

落日馬上

日落荒阡白霧深紫驪嘶顧出疎林回頭已失來時路
杳杳金盤墮翠岑

次韻參寥三首

武陵漁子入花源但見秦人不得仙會有黃鸝鳴翠柳
何妨白眼望青天

長安仕路與雲齊倦僕羸驂不可躋但得玄暉曾折簡
何須平子更安題

且折花枝醉復醒
人間時節易崢嶸
屠龍肯自羞無用
畫虎從人笑不成

和書天慶觀賀祕監堂三首

老仙舊地枕東城
古木參天警畫聲
我亦願爲方外友
風流何必並時生

史君平昔慕高情
一到祠堂意一新
戶外黃冠應指點
公應便是謫仙人

衣屨蕭條氣久清
豪家門館未嘗行
朱甍碧瓦何從得
疑有陰兵夜助成

和書觀妙庵

龍瑞宮中種玉人
誅茅結室傍秋雲
自言洞裏山川別
此處千分未一分

早春題僧舍

東園紫梅初破蕊
北澗綠水方通流
歸去一春花月夢
定應常在此中遊

盆池釣翁

誰刻仙材作釣翁
尺池終日釣微風
令人却憶鴟夷子
散髮五湖狂醉中

賞餘醪有感

春來百物不入眼唯見此花堪斷腸借問斷腸緣底事
羅衣曾似此花香

淮海後集卷之四終

程

